

O'zbekiston Respublikasi
Xorazm viloyati
Bog'ot tumani
HOKIMI
QARORI



Ўзбекистон Республикаси
Хоразм вилояти
Боғот тумани
ХОКИМИ
ҚАРОРИ

220200 Боғот шаҳарчаси, Ўзбекистон кўчаси, 18 уй. Тел: 31-52-807, факс: 31-52-425

2020 йил «18» апрел

№ 889и

Боғот шаҳарчаси

Ўзбекистон Республикаси Президенти Администрацияси раҳбарининг 2020 йил 15 апрелдаги 02/-1286-сонли хати ҳамда Хоразм вилояти ҳокимининг 2020 йилда чорвачилик тармоқлари, жумладан қорамолчилик, паррандачилик, балиқчилик ва асаларичиликни ривожлантириш ҳамда янги лойиҳаларни амалга ошириш тўғрисидаги 2020 йил 17 апрелдаги 149қ-сонли қарори ижросини таъминлаш мақсадида Ўзбекистон Республикаси “Маҳаллий давлат ҳокимияти тўғрисида”ги Қонунининг 6 ва 25-моддаларига асосан

Қарор қиламан:

1. Ўзбекистон Республикаси Президенти Администрацияси раҳбарининг 2020 йил 15 апрелдаги 02/-1286 сонли хати ҳамда Хоразм вилояти ҳокимининг 2020 йилда чорвачилик тармоқлари, жумладан қорамолчилик, паррандачилик, балиқчилик ва асаларичиликни ривожлантириш ҳамда янги лойиҳаларни амалга ошириш тўғрисидаги 2020 йил 17 апрелдаги 149қ-сонли қарори ижро учун қабул қилинсин.

2. Туманда 2020 йилда чорвачиликнинг барча тармоқларида амалга ошириладиган янги лойиҳалар 1,1а-иловаларга;

чорвачилик тармоқлари, жумладан, қорамолчилик, паррандачилик, балиқчилик ва асаларичиликни ривожлантириш ва чорвачилик маҳсулотларини кўпайтириш кўрсаткичлари 2-5-иловаларга;

Туманда мавжуд 1 та наслчилик хўжаликлари томонидан жами 6 бош насли қаромоллар тайёрлаш ва аҳоли хонадонларига сотиш кўрсаткичлари 6-иловага;

гўшт йўналишидаги йирик паррандачилик хўжаликлари томонидан кооперация асосида 100 тадан хонадонда 500 бошдан парранда боқишни йўлга қўйиш 7-иловага;

туман бўйича 225 гектар сунъий сув ҳавзаларида балиқ етиштиришни йўлга қўйиш 8-иловага мувофиқ тасдиқлансин.

3. Туман ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари (С.Қурбонов), туман тижорат банклари раҳбарлари билан биргаликда чорвачиликнинг барча тармоқларида амалга оширилиши белгиланган лойиҳаларга ўз вақтида банк кредитларини ажратиш чораларини кўрсин.

4. Туман ҳокимининг қишлоқ ва сув хўжалиги масалалари бўйича ўринбосари (Э.Худайбергенов), туман ер ресурслари ва давлат кадастри бўлими (Р.Рахимов) билан биргаликда янги лойиҳаларни амалга ошириш учун зарур бўлган ер майдонларини қисқа муддатларда ажратилишини таъминласин.

5. Туман ҳокимининг қишлоқ ва сув хўжалиги масалалари бўйича ўринбосари (Э.Худайбергенов), туман “Чорванасл” маркази туман вакили (О.Искандаров) ҳудудларлар раҳбарлари билан биргаликда:

ҳар бир ҳудудда мавжуд чорвачилик, паррандачилик, балиқчилик ва асаларичилик хўжаликларининг самарали фаолият кўрсатишини таъминлаш ҳисобига маҳсулот ишлаб чиқариш ҳажмини доимий ошириб боришини;

чорвачиликнинг барча тармоқларида янгидан ташкил этиладиган лойиҳаларни амалга оширишда юзага келадиган муаммоларни қисқа муддатда ҳал қилиш ва доимий мониторинг ўрнатиш;

наслчилик тоифасидаги қорамолчиқ йўналишидаги фермер хўжаликлари томонидан насли қорамол тайёрлаб сотиш;

кооперация асосида аҳоли хонадонларида гўшт йўналишида 500 бошдан парранда боқишни йўлга қўйиш;

ҳар бир ҳудудда мавжуд сунъий сув ҳавзаларида интенсив усулда балиқ етиштиришни йўлга қўйиш ҳисобига балиқ етиштириш ҳажмларини камида 2 баробарга кўпайтиришни ташкил қилиш топширилсин.

8. Ушбу қарорнинг ижросини назорат қилиш туман ҳокимининг қишлоқ ва сув хўжалиги масалалари бўйича ўринбосари Э.Худайбергенов зиммасига юклатилсин.

Богот тумани ҳокими



О.Холбоев